Hauptarchiv-Urk. 2048 Wiener Stadt- u. Landesarchiv

1416 XI 29, Forchtenstein

Conrad Ernst beklagt sich bei Richter und Rath über das feindselige Verhalten des Bürgermeisters Rudolfs des Angerfelder.

Quelle Regest: Quellen zur Geschichte der Stadt Wien, Bd. II/2, Nr. 2048

https://www.monasterium.net/mom/AT-WStLA/HAUrk/2048/charter

Transkription

Ersam fursichtig und weyse. Mein willig dinst zue allen zeiten berayt. Als ich Ewrer weishait vormals mengermal verschriben habe, von wegen hern Rudolffs des Angerfelder ewrs Burgermeisters wie mich der grosleich verklagt und in schuld gelegt hat. Und auch nach meinem leyb und leben stellet, und ander sachen gewalt gebrechen und dringnuesse, die diselben mein brive die ich ew geschikcht hab ynnehaldent. Der ich also abgeschrifft, mit frumer herren Sigel habe. Daraus mir meinen Bruedern und andern den unsern gross merkchleich schêden verderben und smachait gegangen sind und noch tegleich gent, und das umb In die seinen noch nymant anders in dhainerlay weyse schuld noch solich sachen nicht hab verdinet, Dann was ich hab getan mit schreiben, dartzue hat mich gevodert mein notdurfft, darynnen mich derselb Angerfelder gesatzt hat, Daraus mir auch dhain Gelaitt, wan ayns nye widergen kund, In demselben Gelayt ich mich fuegt gen Wienn fur den Hochgeborn Fuersten Hertzog .. Albrechten zue Osterreich etc. ewrm und meinem genedigen herren, und begert daselbens fuerkommens und verhorens, Das mir also diselb zeit nicht mocht widergen, das mênichleich wissentlich ist. Und daselbens dhains Gelaitts nicht wold haben genossen, ob er solichs zue mir bracht hiet, das die benanten mein brive auch ynnehaldent. Darnach und vor hiet ich und die meinen, Im und den seinen, von leiben und Guetern mengermal groesleich muegen geschaden. Das ich und die meinen alltzeit umb ewrn willen lasse angesten, Bitt ich ewr fuersichtig weishait,

mit allem vleyse und wolgetraun, Ir wellet denselben ewrn Purgermeister noch underweisen, Er welle mich solichs hinfuer vertrigen und mir und den meinen solich schêden verderben und smachait so mir von seinen wegen widergangen sind, genueg tuen Sunder mich des nicht wellet vertzeihen. Wann ich im und den seinen alltzeit gern hiet gedint und noch nach solichem widertun, gern berait wold sein Das sol ich und alle die meinen umb ewr weishait nach allem vermuegen gentzenlich verdinen. Beschech des nicht So muest ich darueber rat haben wes ich mich halden solt, wann ich doch mich ew zue volgen in den benanten meinen sachen nye ausgeslagen habe Daraus ich bittund bin ewr verschriben antwurt. Geben zum Vorchtenstain an Suntag nach Katherine. Anno domini etc. ... Quadringentesimo .. Sextodecimo.

Conrad Ernst

- 1) Ersam fursichtig und weyse. Mein willig dinst zue allen zeiten berayt. Als ich Ewrer
- 2) weishait vormals mengermal verschriben habe, von wegen hern Rudolffs des Angerfelder
- 3) ewrs Burgermeisters wie mich der grosleich verklagt und in schuld gelegt hat. Und auch

- 4) nach meinem leyb und leben stellet, und ander sachen gewalt gebrechen und dringnuesse,
- 5) die diselben mein brive die ich ew geschikcht hab ynnehaldent. Der ich also abgeschrifft,
- 6) mit frumer herren Sigel habe. Daraus mir meinen Bruedern und andern den unsern gross
- 7) merkchleich schêden verderben und smachait gegangen sind und noch tegleich gent, und
- 8)
 das umb In die seinen noch nymant anders in dhainerlay weyse
 schuld noch solich sachen
- 9) nicht hab verdinet, Dann was ich hab getan mit schreiben, dartzue hat mich gevodert
- 10)
 mein notdurfft, darynnen mich derselb Angerfelder gesatzt
 hat, Daraus mir auch dhain
- 11)
 Gelaitt, wan ayns nye widergen kund, In demselben Gelayt ich mich fuegt gen
- 12)
 Wienn fur den Hochgeborn Fuersten Hertzog .. Albrechten zue
 Osterreich etc. ewrm und

13)

meinem genedigen herren, und begert daselbens fuerkommens und verhorens, Das mir also

14)

diselb zeit nicht mocht widergen, das mênichleich wissentlich ist. Und daselbens dhains

15)

Gelaitts nicht wold haben genossen, ob er solichs zue mir bracht hiet, das die benanten

- 16) mein brive auch ynnehaldent. Darnach und vor hiet ich und die meinen, Im und den
- 17) seinen, von leiben und Guetern mengermal groesleich muegen geschaden. Das ich und
- 18) die meinen alltzeit umb ewrn willen lasse angesten, Bitt ich ewr fuersichtig weishait,
- 19) mit allem vleyse und wolgetraun, Ir wellet denselben ewrn Purgermeister noch under-
- 20)
 weisen, Er welle mich solichs hinfuer vertrigen und mir und
 den meinen solich schêden
- 21) verderben und smachait so mir von seinen wegen widergangen sind, genueg tuen Sunder mich

22)

des nicht wellet vertzeihen. Wann ich im und den seinen alltzeit gern hiet gedint

23)

und noch nach solichem widertun, gern berait wold sein Das sol ich und alle die meinen

24)

umb ewr weishait nach allem vermuegen gentzenlich verdinen. Beschech des nicht So

25)

muest ich darueber rat haben wes ich mich halden solt, wann ich doch mich ew zue

26)

volgen in den benanten meinen sachen nye ausgeslagen habe Daraus ich bittund bin

27)

ewr verschriben antwurt. Geben zum Vorchtenstain an Suntag nach Katherine.

28)

Anno domini etc. .. Quadringentesimo .. Sextodecimo.

Conrad Ernst